



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**  
**Operational Center**

Broj: 04-44-1-31/19  
Sarajevo, 06.06.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 07:00 sati 05.06.2019. do 07:00 sati 06.06.2019. godine**

Dana 05.06.2019.godine u popodnevnim satima (oko 16 sati), došlo je do obilnih kratkotrajnih kišnih padavina koje su zahvatile područje Kantona Sarajevo, posebno općine: Stari Grad, Centar, Novi Grad i Novo Sarajevo (gdje je zabilježen i grad veličine lješnjaka). Treba istaći, da od Federalnog hidrometeorološkog zavoda nije bilo izdano nikakvo upozorenje za nadolazeće opasnosti od obilnih kišnih padavina. Uslijed kišnih padavina došlo je do pojave bujičnih i podzemnih voda, začepljenja šahtova, odvoda i slivnika, što je prouzrokovalo kratkotrajno plavljenje pojedinih saobraćajnica i ulijevanje vode u podrumске prostorije pojedinih objekata. Na terenu je pored direktora i ostalih uposlenika Kantonalne uprave civilne zaštite Kantona Sarajevo (u daljnjem tekstu: Uprava), bio ministra komunalne privrede i infrastrukture Kantona Sarajevo, koji je po položaju komandant Štaba civilne zaštite Kantona Sarajevo. Uprava je također, bila u stalnoj komunikaciji sa ministricom pravde uprave i uprave Kantona Sarajevo, koja trenutno mijenja premijera Vlade Kantona Sarajevo.

Primjetan je bio izostanak i kašnjenje općinskih organa i službi, tako da su prvi reagovali pripadnici Uprave uključujući sva tehnička sredstva i ljudstvo, te rezervne snage Uprave. Po nalogu nadležnog kantonalnog ministra na otklanjanju posljedica su angažovana i kantonalna javna komunalna preduzeća.



Posebna pažnja je bila obraćena na ustanove u kojima su smještene ili trenutno borave tzv. ranjive kategorije, kao što su djeca, stare i iznemogle i bolesne osobe. U navedenim objektima kišne padavine nisu prouzrokovale nikakve štete.

Pripadnici Uprave su bili angažovani na ispumpavanju vode na slijedećim lokacijama:

- Na području Općini Stari Grad, staro jezgo Bašćaršije, prostorije Općinske službe civilne zaštite u ul. Zelenih beretki br .4., privatni stambeni objekta u ul. Sedrenik br. 70. (gdje su bile ugroženi stariji ljudi);
- Na području Općine Centar, prostorije u suterenu zgrade Vlade Kantona Sarajevo, gdje su bile poplavljene prostorije Kantonalnog operativnog centra civilne zaštite i prostorije arhiva Vlade Kantona Sarajevo, podrumске prostorije MUP-a Kantona Sarajevo, prostorije Ortopedije na Kliničkom univerzitetskom centru Sarajevo, ul. Bolnička bb, te podrumskih prostorije u ul. Branilaca Sarajeva na br.17. i 19, ul. Skenderija br. 32. i ul. Gornja Breka bb;
- Na području Općine Novi Grad, prostorije Službe za poslove sa strancima, terenski ured Sarajevo u ul. Braće Mulić 38., podrumске prostorije Doma zdravlja u ul. Bulevar Meše Selimovića bb, podvožnjak u Buća Potoku u ul. Alije Kučukalića bb i u naselju Aneks u privatnim stambenim objektima i na saobraćajnicama.
- Na području Općine Novo Sarajevo, u naselju Vraca u privatnim stambenim objektima.

Na području Općine Novo Sarajevo u ul. Bihaćka bb došlo do urušavanje dijela zida stare zgrade, gdje je intrenvisala ekipa nadležnog upravitelja.

Iz općinskih operativnih centara civilne zaštite: Ilidža, Hadžići, Vogošća, Ilijaš i Trnovo smo dobili informacije da kišne padavine nisu prouzrokovale štete na području njihovih općina.

**Profesionalna vatrogasna jedinica Kantonalne uprave civilne zaštite Kantona Sarajevo:** U izvještajnom periodu pripadnici Profesionalne vatrogasne jedinice osim intervencija na ispumpavanju vode iz objekata sa saobraćajnicama, imali su još tri manje intervencija: jedan izlazak na lice mjesta po dojavu dima is poslovnog prostora i dvije tehničke intervencije (saobraćajni udes).

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodospabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 13 °C, vlažnost zraka 99%, barometarski pritisak 930,4 hPa.



**BIHAMK:** Saobraćaj se na području Kantona Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1